

## 熊本大学学術リポジトリ

### Kumamoto University Repository System

Title	吁我桑野先生：文苑
Author(s)	中村，重喜
Citation	龍南會雜誌， 1 4 7： 5 7 - 5 7
Issue date	1912-11-18
Type	Departmental Bulletin Paper
URL	<a href="http://hdl.handle.net/2298/6402">http://hdl.handle.net/2298/6402</a>
Right	

## 吁我桑野先生

桑野先生逝矣享年四十歲吁悲哉先生越後人穎異絕倫少頗好學令名噴噴先君沒而家產漸傾人事之變頻至先生不爲意嘗仕東京帝國大學忙裡偷閒涉獵群書學亦大進甲辰之春皇師征露先生操觚從軍役終賜賞尋聘於第五高等學校爲教授授獨書庚戌秋九月余亦入斯校親得受先生之教先生博覽洽識學無所不通鉤章棘句及迎而解之愈叩而愈無窮諸生悅服先生爲人淡遠高落不修邊幅鬱然負氣以古今爲念未嘗妻擊黃巷堆裡誦讀不倦客來卽延談古今之成敗說宇內之形勢議論風發引證的確意氣不可當也客無不服平生每日將遊歐都廣知見齡五十而吐蘊蓄于江湖齡七十則退闕地悠遊自適終餘生已抱負之大亦可知也余等幸浴先生之薰陶茲二年未及報涓滴而先生今也既亡矣空齋鵬志遠逝矣吁憶暮秋一夜挑燈繙獨書偶聞悲雁遠去庭前有淅瀝坐追想先生英姿髯在于眼泣下而不能止也先生之高風餘韻尙永覺有如撻稽心者噫

壬子秋十一月

重 喜 稿